

華園醫學六種十

省中醫藥學會書院

編號 11-108 $\frac{10}{12}$



外科症治全生集



光緒甲申季春
江西書局開雕



序

余閱外科書夥矣而求其剖析陰陽辨理寒熱
簡明切要者莫如此書靈樞癰疽之篇條緒鱗
多淺學難於尋識金匱祇列瘡癰腸癰兩種大
意以深淺分陰陽而其旨未暢後人鑽研末由
遂歧涂徑王氏獨紹絕學啟發靈局振墜扶危
厥功鉅已嘉定王氏校刊本鄂中再刻之其論
證互見未便繙閱家弟器之治此有年曾爲區

分門類頗有增損字句世稱善本嗣長洲蔣氏
刻於蘇城伯寅弟翻雕於京師鄂中尚無此本
余既刊各種醫書成卽急爲付梓以廣流傳吳
縣潘蔚

自序

明劉誠意伯言藥不對症。枉死者多。余曾祖若谷公秘集云。癰疽無一死症。而諸書所載。患在何處。病屬何經。故治乳巖而用羚羊犀角。治橫痃而用生地防己。治癰癤惡核而用夏枯連翹。概不論陰虛陽實。惟多用引經之藥。以致乳巖橫痃。患成不救。癰癤惡核。潰久轉怯。竟不知爲引經之藥所誤。反諉咎於白疽。本不可救。不亦

謬歟。夫紅癰乃陽實之症。氣血熱而毒滯。白疽乃陰虛之症。氣血寒而毒凝。二者俱以開腠裏爲要。腠裏開紅癰解毒卽消。白疽解寒立愈。若憑經而不辨症。藥雖對經。其實背症也。世之患陰疽而致斃者頗多。苟其陰陽別治。何至有死症乎。余曾祖留心此道。以臨危救活之方。初起立消之藥。一一筆之於書。爲傳家珍寶。余幼讀之。與世間諸書迥別。歷症四十餘年。臨危者救

之初起者消之。痛癢者止之。潰爛者斂之。百治百驗。憑經治症。天下皆然。分別陰陽。惟予一家。是以將祖遺秘術。及予臨症。將藥到病愈之方。並精製藥石之法。盡登是集。以待世之留心救人者。依方修合。依法法製。依症用藥。庶免枉死。使天下後世。知癰疽果無死症云爾。時

乾隆五年歲在庚申仲春朔日洞庭西山王維

德洪緒氏書

凡例

一癰與疽之治。截然兩途。世人以癰疽連呼並治。夫癰疽二字之連呼。卽夫妻二字之連呼也。若以癰藥治疽。猶以安胎之藥服其夫矣。是集以癰疽分別兩途。皆執症執方之法。如照法法製。照症用藥。救人之功。余不敢分。害人之罪。余當獨認。情愿萬劫披毛。甘受屠家誅戮。一輯是集。專論陰虛陽實。論定紅白兩色。是癰

是疽。治卽全愈。所載諸方。皆藥到病愈。切勿增減。并勿因貴重之藥減輕。逐症治法。開卷一目了然。不必投師。人人可精此道。

一諸書。惟馮氏錦囊內附陰疽論。與余家遺秘相符。獨無消疽之方。惟以溫補兼託爲法。且疽初起。卽如平塌。安可用託。託則成患。余家之法。以消爲貴。以託爲畏。卽流注癰癰惡核。倘有潰者。仍不敢託。託則潰者雖斂。增出者又如何邪。

故以消爲貴也。

一外科之虛實發現。在外治之法。集中詳細。不必諳脈。儘可救人。故痘症之險。悶順逆。眼科之心肝脾肺腎。皆現於外。故亦不診脈也。好學者察患者。則知症。照症治。無不痊。

一醫可寄生死。閱坊刻外科。妄稱正宗。載云。症現七惡。卽死。又載以桐油燒紅。衣鍼鍼入痰塊。半寸。用降藥爲條。插入鍼孔。七日。塊自開裂。再

以條插七日。其核自落。又稱毒在皮裏肉內。刀割深要寸許。方能洩毒。殊不知毒在皮裏膜外。或應開刀。尙忌深過三分。恐傷內膜。若深入寸許。傷透內腑。病人何能堪此極刑。七惡之現頃刻矣。世之宗其法治。盡屬創徒。此集惟疔用刺。其外槩不輕用刀鍼。并禁昇降痛爛二藥。

一徧身所患。止有紅白兩色。紅者癰。白者疽。癰疽卽其名也。有謂無名腫毒者。因未識其陰陽。

也。

一是書無論背項腰腹。色白者言疽。以疽藥愈之。紅腫者言癰。以癰藥愈之。坊刻書稱以某藥與服不應。再易某藥。豈非以人試藥乎。倘患生要緊穴道。安可遭醫幾試。望高明詳之。

一世無爛久之癰。惟疽初起失消。或遭降炙鍼割。以致年久不斂。治之方藥。集中詳細。

一此集有行到之處。好學者自然依此治法。初

起者消。久潰者斂。余恐此集遲到。醫未經目。人未見習。以致多誤。是以任坊翻刻。速遍海內。使醫有生人之治。而無枉死之人。余願遂矣。

一載癰疽、咽喉、疔毒、結毒、諸瘡、痔漏等症。皆藥到病愈之方。其雜症及臨症後所附諸病諸方。亦一服卽效者。附梓集中。內無以人試藥之誤。望有力者照方合就。對病施送。或止取藥本。或鈔方傳人。註明法製。



一是書所有之藥。法製極詳。不可忽略。宜細心照法精製。藥純效速。

一傷寒症有轉經傳變。故有醫不執方之說。至如外科雜症。全賴識症執方。余年七十有二。治病經歷四十餘年。用藥從無一錯。故敢輯是集。以公諸世。因名症治全生。

外科症治全生集目錄

卷一

癰疽總論

部位論名

爛潰不斂

患孔毒根

翻花起肛

毒氣攻心
以上

陰疽論

陰疽治法

流注
附孩兒孕婦

甲疽

井泉疽

瘰癧
治法有四
附肘膠穴

小腸疽

鶴膝風

橫痃

乳巖

貼骨疽

骨槽風

惡核痰核

石疽

善瘡頭

鵝掌瘋

鵝爪瘋

凍瘡

陰疽用膏議

附末以
上陰症

癰癤

牙癰

發頤遮腮

子癰

囊脫

赤遊螳螂子

疔毒

紅絲疔

刀鏹疔

疔走黃

楊梅結毒

諸瘡

癰疥繡毬瘋

膿疥間雜

膿窠坐板溼毒

